

西 13

65

心太平軒醫案

吳江
堂
煥
題



心平
軒太
醫醫
案案

吳江陸恢題署



王
子
春
莫
雕
竟

醫書之最古者無過素問次則八十一難經然皆有論
無方其有論有方者自仲景始而後之輯醫方者又往
往僅題某丸某散治某病不知病狀相似者病證不同
古人隨證消息君臣佐使有其宜攻補緩急有其序或
以相輔爲用或以相制爲功甚或以相反相激巧投而
取效必明制方之意而後能詳審病源以進退加減方
與論可不竝載乎哉徐子翰卿出其先德澹安先生
心太平醫案一卷自中風以至懸癰一證一方而皆有
案語深合乎古人有病有方之旨也邃古以來惟宋代
最重醫學然林億高保衡等校刊古書而已不能有所

發明其官撰醫書如聖濟總錄太平惠民和劑局方等
或博而寡要或偏而失中均不能寔裨於治療故聖濟
總錄惟行節本而局方尤爲朱震亨所攻先生此書根
據古義而能得其變通參酌時宜而必求其徵驗專門
之學一家之言寶銘受而讀之而知其活人之無算也
徐子翰卿將謀諸梓人蘭室秘藏永垂不朽矣宣統三
年七月吳縣錢寶銘



心太平軒醫案

長洲澹安徐錦著

曾孫熙斗廬氏校刊

崑邑某翁朱清溪之戚也鄉居喜手植花木偶患類中就診案云年逾花甲操勞所傷肝陽化風挾痰擾動兼之藝蘭種菊霧露所侵陡然左肢麻木項強指脹脈虛弦治宜洩風化痰 羚羊麥冬生地竹瀝伏神石決明橘紅半夏菊炭櫓豆衣鈎勾

南濠謝延診案云中風口眼歪斜左手筋掣頤脫口開神迷絡病延爲腑病其邪深矣況舊患遺洩本原重傷肝失營養病延四載不求水火之原急從事於固本而

仍用搜風爲治謬矣仿血行風自滅之旨 附桂熟地
高麗參杜仲歸身牡蠣河車桑枝

南城腳下紙棧張延診案云懷抱鬱結痰火上阻肝膽
氣升咽噎梗塞妨礙飲食不能下嚥脈形弦細語言蹇
澹神氣呆鈍噎膈中風居其二矣 旋復代赭湯加於
朮姜渣竹茹陳皮

平川周延診案云陽虛挾飲中氣大虧每交冬令脘胸
升塞耳鳴眩暈高年煩勞恐其類中有地氣加天之弊
附子理中加茯苓半夏

濠上董翁延診羣議人參熟地以扶正余書案云肝陰

素虧血虛風動左頰麻木舌強頰動脉弦細乃痰火風
相煽竊考內經以及唐宋諸賢治法不外辛涼甘寒佐
以驅風益血之品據症將成痺中宜遵成法補劑且緩
羚羊生地甘菊丹皮荆芥石决明三角胡麻茯神歸
身穠豆衣橘紅鈎勾

城北管猝中延診案云平昔狂飲少穀中氣大傷脾脉
不上縈於舌本神呆語澁脉虛輒此經病兼腑邪漸深
矣六君子湯加遠志棗仁

寶國寺前潘延診案云煩勞過度木火上升內風振動
痰阻機竅陡然左指痿輒呵欠神呆舌強不語苔白而

滑脉象虛弦中在肝脾卻近大節議洩風滌痰 洋參
遠志白朮決明茯神鈎勾半夏陳皮製首烏鮮石菖蒲
汁竹瀝

申衙前徐延診案云腎水素虧肝火又鬱頭眩脣糜溺
頻數脉左細右弦一陽初動恐其類中 熟地牡蠣阿
膠茯神竹茹菊炭牛膝陳皮製洋參

再診水不涵木肝陽不靖眩暈頭重左目紅赤生醫脉
左弦細帶數右部輭弱心宕耳鳴上盛下虛之象著矣
照前方加石決明山梔丹皮川貝母

小太平巷張延診案云血熱癰瘡瘙癢徹夜無寐咳噎

氣短宜養陰以清營熱 犀角地黃湯去丹皮加羚羊

連喬川貝甘草沙參茆根

再診癢癢未減眠食俱廢本虛標熱補之既不得力清
之又難久用仿治風先治血之意 何人飲去歸陳加

生地白芍茯苓神丹皮白蒺藜蒼川斛

浙江吳部郎引疾旋里厲吳門延診案云氣阻賁門積
聚內結胃脘當心痛延及九月格拒飲食湯水亦碍舌
心灰黑大便秘阻肌肉消瘦喜於捶擊脉形弦滑而細
面色枯瘁胃失下行七衝門阻又值木旺土衰之令攻
補兩難延挨土旺竊恐悠悠致脫豈尋常湯劑草根樹

皮所能治者湊藥欺人問心有愧思許學士有硃砂丸
峻藥緩攻庶幾近之照原方去白芷乾姜巴豆胡椒乾
漆分兩亦酌輕一半此非擅改古方亦不得已之苦心
硃砂二錢四分三稜二錢五分木香一錢三分生軍五錢枳榔一個豆蔻
一粒青皮一錢三分共爲細末醋一中碗煮諸藥十餘沸再下
大黃同煎五七滾臨好離火入硃砂熬成膏和諸藥丸
如菜豆大每服五丸病久體虛者三丸此藥服至五六
日腑氣稍通旬餘連下糞如鐵彈糜粥可進書膏方調
理而返

楊明經病膈就診自疑反胃案云噎膈反胃自是二病

連類並稱實始丹溪其意以噎膈分上下二病而以反胃屬之膈殊欠分明鄙意噎膈之所以反胃者以食噎不下反而上出若不噎并不復反矣反胃之病則全不噎或朝食暮吐暮食朝吐與膈病何涉尊恙乃過飲傷中絡血瘀阻胃氣升逆妨碍飲食心胸隱痛是膈而非反胃也 旋復代赭湯加鬱金貝母山漆橘紅生草茯苓栢仁藕

雲間陸孝廉病膈延診案云經曰飲食入胃游溢精氣上輸於脾脾氣散精上歸於肺通調水道下輸膀胱水精四布五經並行合於四時五藏陰陽揆度以爲常也

今肺氣失宣胃中痰阻氣不下行得食卽呃噎氣欲厥
卧下痰鳴氣逆乃肺胃陰虛痰阻所致脉形軟弱不受
辛香之劑性拘多鬱宜擺脫一切仿仲醇噎膈膏意
沙參麥冬貝母蘇子竹瀝蛤殼枇杷葉甜梨汁蘆根汁
蔗漿杏酪白蜜泉水熬膏早晚一勺

吳縣學正齋吳公延診余勸其引退案云胃者水穀之
海後天所憑也今飲食不思入口無味胃陽衰矣食入
易噎是濕痰氣三者互阻胃失下行爲順之旨張雞峯
云神思間病當山林靜養薄滋味以養胃氣使逆行者
下行尙堪帶病延年耳 四君子湯去甘草加竹瀝枇

杷葉麥冬穀芽橘紅川鬱

跨塘某患膈就診案云氣阻賁門知飢納少格拒飲食
二便如常昨復咯出瘀紫血塊大如母指嚙出穢氣胃
失下行病經八月根蒂深矣清寧丸三錢桃仁歸身
枳殼鬱金煎湯送下

再診理濁通瘀大便通而未暢瘀血仍從上出總屬脾
陽失運濁飲痞塞也附子理中加肉桂鬱金陳皮半

夏

肝鬱氣阻清陽不宣食入梗噎嘔吐痰涎酒膈也旋
復代赭湯去棗用乾姜加附子冬朮橘紅

酒客中虛陽氣失展漸形噎膈 附子理中加雞距子

茯苓

唐家巷李延診案云氣鬱營虧肺陰復燥金不生水變
生諸病此七情所傷神思間病善自排遣爲囑 沙參
生地川貝旋復栢子仁棗仁麥冬甜杏仁石決明鬱金
汁

趙介亭刺史患膈寓蘇醫治病由鬱損肝脾氣痰凝阻
又多飲參桂燒酒病益加劇延診脉形堅強短澁因告
其至戚曰脉至如丸泥是胃精已竭至秋冬之交不可
爲矣諸醫延竟諸藥雜投如期而果不起刺史治吳以

循吏稱而不克竟其大用惜哉

錫山楊生來郡就診案云經曰水腫之始目窠微腫足脛腫腹大按其腹隨手而起如裹水狀又曰脾不能爲胃行其津液腎關不利所進水穀泛濫而爲水矣尊恙外發形體內連藏腑須延善針者針之藥仿開太陽法

五苓散加車前椒目 別服金匱腎氣丸

倉街孫延診案云水病本在腎末在肺皆能積水經曰腎者胃之關關門不利聚水而從其類也今診跗腫腹大如鼓癰閉臍脹峻藥雜投不應用逍遙散加減

再診腫脹不減洩仍不通其勢甚劇仿肺燥熱水溢高

原肢體皆腫之例用麥門冬湯

麥冬

二兩白粳米煎代

水三診小洩暢通晝夜二十餘行腹膨腫勢已減其半

調理兩月而痊

於朮麥冬大腹皮茯苓皮米仁石斛

陳皮桑皮穀芽

冉直嚴延診案云脾腎陽衰水飲泛溢久瀉腹膨小水不利近增足脛浮腫兩跨筋脹步履維艱氣短喘急所進水穀不生津液而成停飲有衝突潰隄之勢議扶陽培土以治其本疏洩溝瀆以治其標 眞武湯合五苓散去姜芍猪加茅朮淑目米仁別服濟生腎氣丸 某因商賈失意腹漸臌脹延診案云病因大脫血後脾